



ახალგაზრდა ადვოკატები
YOUNG BARRISTERS

უცნობი ერთი მილიონი ლარი

რეკომენდაცია

ა(ა)იპ „ახალგაზრდა ადვოკატები“
მაისი, 2014 წ.
ქ. თბილისი

რეკომენდაცია საქართველოს ბიზნეს ასოციაციას

„ახალგაზრდა ადვოკატები“ რეკომენდაციით მიმართავს საქართველოს ბიზნეს ასოციაციას და საკითხის მიმართ მაღალი ინტერესიდან გამომდინარე, მოითხოვს:

1. საქართველოს ბიზნეს ასოციაციამ გამჭვირვალე გახადოს „აგვისტოს 5 დღის“ პრემიერის შემდეგ გამართული საქველმოქმედო ვახშმიდან შემოსული მილიონ ლარზე მეტი თანხის განკარგვის დანიშნულება და მიზნობრიობა.
2. საქართველოს ბიზნეს ასოციაციამ ფაქტობრივი მტკიცებულებით დაადასტუროს „აგვისტოს 5 დღის“ პრემიერის შემდეგ გამართული საქველმოქმედო ვახშმიდან შემოსული თანხის მიმღები 2008 წლის რუსეთ-საქართველოს ომში დაღუპულთა 400-მდე ოჯახის ნამდვილობა.
3. საქართველოს ბიზნეს ასოციაციამ გამოაქვეყნოს „აგვისტოს 5 დღის“ პრემიერის შემდეგ გამართული საქველმოქმედო ვახშმიდან შემოსული თანხის მიმღებთა გეოგრაფიული არეალი და შერჩევის წესი.
4. საქართველოს ბიზნეს ასოციაციამ განმარტება გააკეთოს, ასოციაციის სამინისტროების თანამშრომლობის შესახებ განსხვავებული პოზიციების გამო
5. საქართველოს ბიზნეს ასოციაციამ ინტერესის მქონე ინფორმაცია გამოაქვეყნოს საკუთარ ოფიციალურ გვერდზე და უზრუნველყოს ინფორმაციის გამოქვეყნება გონივრულ ვადაში, არაუგვიანეს 7 მაისისა.

ორგანიზაციამ განხორციელებული მონიტორინგის ფარგლებში, მნიშვნელოვან ყურადღებას დაუთმოვს გარემოებას, რომლის თანახმადაც, ცხადი ხდება, რომ 2011 წლის 5 მაისს, ჰოლივუდის ვარკვლავების მონაწილეობით, ფილმ „აგვისტოს 5 დღის“ პრემიერის შემდგომ გამართულ საქველმოქმედო ვახშამზე შემოსული თანხამ ნამდვილად შეადგინა 1 მილიონ ლარზე მეტი, რომელიც საქართველოს ბიზნეს ასოციაციის მხრიდან მოწყობილი აქციის ფარგლებში, 2008 წლის რუსეთ-საქართველოს ომში დაღუპულთა ოთხასამდე ოჯახს, საბანკო ანგარიშსწორების ფორმით, თანაბრად გაუნაწილდა, ხოლო დანარჩენი თანხით, (უნდა ვივარაუდოდ, რომ ნახევარი მილიონი ლარით) დაიფარა ღონისძიების ორგანიზების ხარჯები, თუმცა ორგანიზაცია გაუმჭვირვალეს უწოდებს პროცესს, რა დროსაც, საქართველოს ბიზნეს ასოციაციას ერთი მილიონი ლარი, თანასწორუფლებიანად უნდა გადაეცა 2008 წლის აგვისტოს ომში დაღუპულთა ოთხასამდე ოჯახისთვის.

ორგანიზაცია ყურადღებას დაუთმოს საქართველოს ბიზნეს ასოციაციისა და საქართველოს სამთავრობო უწყებების – სამინისტროების საკითხთან დაკავშირებულ გამომხატურებებს, რა დროსაც, მკაფიო ხდება, რომ საქველმოქმედო ღონისძიებასთან, არც ერთ პროფილით დაკავშირებულ სამინისტროს, შეხება და თანამონაწილეობა არ გააჩნია. ასეთი იურიდიული მტკიცება წინააღმდეგობაში მოდის საქართველოს ბიზნეს ასოციაციის პრეზიდენტის 2011 წლის 20 სექტემბრის საჯარო ფორმით გამოხატულ განცხადებასთან,¹ რა დროსაც, გიორგი ჭირაქაძემ მიუთითებდა, რომ რუსთაველის თეატრში გამართულ საქველმოქმედო ვახშამზე შეგროვილი 1.5 მილიონი ლარიდან, 1 მილიონი 2008 წლის აგვისტოს ომში დაღუპულთა ოჯახებზე გადანაწილდებოდა. მაშინ ასოციაციის პრეზიდენტი აცხადებდა, რომ სხვადასხვა სახელმწიფო უწყებასთან – თავდაცვის სამინისტროსთან, შინაგან საქმეთა სამინისტროსთან, ლტოლვილთა და განსახლების სამინისტროსთან და სასჯელაღსრულების, პრობაციისა და იურიდიულ საკითხთა სამინისტროსთან – მჭიდრო თანამშრომლობით რამდენიმე თვის განმავლობაში, 2008 წლის აგვისტოს ომში დაღუპულთა ოჯახების წარმომადგენელთა სრული სია შეადგინეს. სიაში, სულ 400-მდე ოჯახი აღმოჩნდა, რომელთაგან თითოეული, ერთჯერადად 2500 ლარს მიიღებდა და მიმდინარეობდა კიდევ რამდენიმე ოჯახის დაზუსტება. მონიტორინგის შედეგად, ასეთი კომუნიკაციისა და თანამშრომლობის ფაქტი, დასახელებული სამინისტროების ოფიციალური დოკუმენტებით, არ დასტურდება.

¹ ორგანიზაციის პრეზიდენტის გიორგი ჭირაქაძის 2011 წლის 20 სექტემბრის ბრიფინგი.

ორგანიზაცია ყურადღებას მიაქცევს საქართველოს ბიზნეს ასოციაციის წერილით მითითებულ ფაქტობრივ გარემოებაზეც, რა დროსაც, საქველმოქმედო ღონისძიების მიმართ, ერთადერთი დახმარება სახელმწიფო სტრუქტურების მხრიდან გახლდათ ის ფაქტი, რომ მათ უზრუნველყვეს 2008 წლის საქართველო-რუსეთის ომში დაღუპულ სამოქალაქო და სამხედრო პირთა ოჯახების საკონტაქტო მონაცემები, თუმცა დასახელებული არ არის, რომელმა უფლებამოსილმა უწყებამ უზრუნველყო მნიშვნელოვანი და საჭირო ინფორმაციის მომზადება. კანონმდებლობით, ასეთი მოქმედებების განხორციელება, უფლებამოსილებიდან გამომდინარე, საქართველოს თავდაცვისა და ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს უნდა უზრუნველყო, თუმცა წარმოდგენილი მონიტორინგის საფუძველზე, სამინისტროები საქართველოს ბიზნეს ასოციაციასთან თანამშრომლობას, კატეგორიულად უარყოფენ.

ორგანიზაცია მიუთითებს, რომ წარმოდგენილი დოკუმენტებით და მოწოდებული ინფორმაციის საფუძველზე, უცნობია, რეალურად რამდენმა ოჯახმა მიიღო დახმარება, რა ოდენობის თანხა იქნა გაცემული, ვინ იყო პროცესის გამჭვირვალობაზე პასუხისმგებელი და რატომ არსებობს საქართველოს სამინისტროებსა და საქართველოს ბიზნეს ასოციაციას შორის საკითხთან დაკავშირებით, შეუსაბამო შეფასებები. შესაბამისად, არსებობს საფუძვლიანი ვარაუდი, რომ „აგვისტოს 5 დღის“ პრემიერის შემდგომ საქველმოქმედო ვახშამი, „საქართველოს ბიზნეს ასოციაციის“ ინიციატივის ნაცვლად, წარმოადგენდა ხელისუფლების ღონისძიებას, საიდანაც შემოსული თანხა, ადგილნაცვალი პირების დახმარების მაგივრად, საღამოს საორგანიზაციო საკითხებს, მთლიანობაში კი ყოფილი მმართველი პარტიის ინტერესებს მოხმარდა.